



Selasa, 13 Februari 2024

Ogen: Filipi 2:2



“Ersada Min Arihndu”



W *Gelah tahu-tuhu **malem ateku**, kupindoken man bandu: **ersada min arihndu, sikeleng-kelengen min kam, ersada min geluhndu dengen ersada ukurndu'*** (Pilipi

2:2). Telu bagin si maba kemalemen ate i bas kegeluhen eme : ersada arih, si keleng-kelengen ras ersada ukur. Kerina e jadi adi radu ras ralo (saling). Paulus ningetken kerna kiniersadaan arih i tengah-tengah jabu ras perpulungen. Litna kiniersadaan arih mabai sikap dengen mehuli; bagepe keriahen man sekelewet. Ersada arih, ersada geluh dengen ersada ukur lako netapken kerna kai ate si ilakoken bas tengah-tengah kegeluhen; subuk ibas jabu bage pe i bas perpulungen. Ulih bas ndalanken 3 bagin enda eme ngaloken kemalemen ate subuk man kalak si ndalankenca bagepe man kalak sideban.

Wari si pepagi i lakoken me pemilihan pemimpin i tengah-tengah negarata Indonesia, tentuna selaku warga negara si pake me hak pilihta lako nentunen ise pemimpin si banci mabai bangsa enda ku si mehuli; makeken hak pilihta perlu lit ketetapan ukur dengen kiniersadaan arih i bas jabu. Pilihenta banci saja berbeda, sura-suranta banci saja la seri, hobbyta banci saja berbeda, warna siateta ngena pe banci saja la bali; tapi ula erkiteken pilihan dengen sura-sura si berbeda lanai kita meriah i bas jabu bage pe i bas perpulungen; arah perbedaan si lit, mabai reh ngasupna kita lako rukur dewasa guna nentunen pilihenta, ras,ngantusi erti kinierbagen. Ketetapan ukur dengen kiniersadaan arih perlu tetap i bangun radu ras i bas jabu bage pe i tengah-tengah perpulungen teridah maka kita enda eme warga kinirajaan Surga guna maba kejuah-juahen i tengah-tengah bangsa ras negaranta.

Arih ersada perlu tetap i jaga ras i asuhi, segelah la mesukah kita ijolah-jolehken alu ranan bage pe perbahanen kalak. Persadalah arihta sope dengan kita berkat ku TPS, janah ertotolah guna segelah bangsa enda tetap ersada

